

“REGULAMENTO DAS BOLSAS DE APOIO Á ESCOLARIZACIÓN, CURSO 2016/2017”

**APROBADO POR RESOLUCIÓN DA ALCALDÍA DE DATA 28/06/2016 (DECRETO 315/2015)**

**1. CONCEPTO:**

A Prestación consiste nunha axuda económica de pago único, destinada a afrontar os gastos que xera a dotación de libros, material escolar e equipamento e vestuario entre outros, cunha contía de 90,00 €/menor para o 2º ciclo de Ensino Infantil e para os gastos extraordinarios en equipamento e vestuario que xera o inicio do curso escolar para alumnado de ensino primario e secundario nun importe de 70€/menor.

**2. FINALIDADE**

A finalidade da axuda é a de promover o acceso ao ensino en condicións de igualdade e previr o risco de fracaso escolar, dos menores de familias con escasos recursos económicos, contribuíndo ao financiamento dos gastos de libros de texto, material escolar e dotación de vestuario e equipamento que xera o inicio do curso escolar.

**3. CONTÍA**

Establécese unha contía de 90,00 €/menor para o 2º ciclo de ensino Infantil e de 70€/menor para alumnado de ensino primario e secundario.

No caso de que o número de solicitudes (que cumpran os requisitos) sexa superior ó número de Bolsas previsto segundo o límite orzamentario, concederanse aos que acaden maior puntuación na baremación das solicitudes.

**4. REQUISITOS:**

- Non percibir outras Axudas polo mesmo concepto e finalidade (para libros de texto, material infantil e equipamento e vestuario en Infantil e para outros gastos –roupa de rúa, roupa de deporte, calzado, mochilas ou carteiras,...- en Primaria e Secundaria) de outro organismo público ou privado
- Ter empadroamento e residencia efectiva no Concello de Pontecesures
- Cursar estudos do 2º Ciclo de Educación Infantil (3-6),
- Cursar estudos de Ensino Primario ou Secundario,
- Que os **Ingresos** da Unidade Familiar de convivencia independente **non superen no primeiro semestre do ano** os límites económicos que se establecen no 110% SMI para dúas persoas, no 150% para 3, incrementado nun 15% por cada membro adicional; a efectos do computo dos Ingresos rexerán as seguintes normas:
  - . Os ingresos computables serán os netos, incluído o rateo das pagas extraordinarias se as houber.
  - . Computaranse todos os ingresos obtidos por todos os membros da Unidade familiar de convivencia, agás os obtidos con carácter finalista.
  - . No seu caso o importe do aluguer ou o pago de créditos hipotecarios detraerase do total dos ingresos ata un máximo de 350€ mensuais.

Nº MUF	Máximo anual	Máximo semestre	Media mensual
2	10.090,08	<b>5.045,04</b>	840,84
3	13.759,20	<b>6.879,60</b>	1.146,60

4	15.135,12	<b>7.567,56</b>	1.261,26
5	16.511,04	<b>8.255,52</b>	1.375,92
6	17.886,96	<b>8.943,48</b>	1.490,58

No caso de que o número de solicitudes (que cumpran os requisitos) sexa superior ó número de Bolsas previsto, concederanse aos que acaden maior puntuación na baremación das solicitudes.

#### **5. BAREMO AOS EFECTOS DE PRELACIÓN DAS SOLICITUDES:**

Aos efectos de establecer a prelación de solicitudes aplicarase o seguinte baremo:

- a) Por cada membro da Unidade Familiar en idade escolar ou cursando estudos: 2 Ptos.
  - b) Por cada tramo de 40€ por debaixo do límite de acumulación de recursos: 2 Ptos.
  - c) Por cada membro da Unidade Familiar en situación de desemprego: 5 Ptos.
  - d) Por outros factores sociais (RISGA, Proxectos de intervención,...) tecnicamente valorados: 5 Ptos
- No caso de que no mesmo domicilio convivan outras unidades familiares e estas dispoñan de ingresos restaranse 5 puntos por cada tramo de 100€ que exceda do límite que se aplicaría de ser membros computables da unidade familiar.

#### **6. DOCUMENTACION:**

- Solicitud segundo modelo
- DNI do/a Solicitante e membros da unidade familiar
- Libro de Familia
- Xustificante da matrícula acreditativa do curso escolar
- Xustificantes de ingresos de xaneiro a xuño do ano en curso (nóminas, certificados de prestacións e/ou pensións, ...) e, Copia cotexada da/s Declaración/s do IRPF do exercicio económico anterior e/ou Certificacións negativas do IRPF, de tódolos convivintes, sexan ou non membros computables.
- De ser o caso Recibo do Aluguer ou Xustificante do pago de empréstito para adquisición da vivenda habitual
- Certificación bancaria do número de conta IBAN
- Declaración das axudas recibidas polos mesmos conceptos, segundo modelo

#### **7. PRAZO DE PRESENTACION DE SOLICITUDES:**

O Prazo de presentación de Solicitudes estará aberto do **1 ao 22 de xullo**.

#### **8. PROCEDIMIENTO:**

Unha vez rematado o prazo de Presentación de Solicitudes, estas serán avaliadas pola Traballadora Social do Concello, conforme ao presente Regulamento, quen proporá a Lista Provisional de Beneficiarios/as á Concellería Delegada que a trasladará á Alcaldía/Xunta de Goberno Local quen a elevará a Definitiva, se procede.

#### **9. PAGAMENTO:**

O pagamento destas prestacións farase desde a Tesourería Municipal mediante ingreso en conta bancaria dos perceptores, segundo o indicado no artigo 3, nun prazo máximo de 20 días, desde que se dite a resolución de concesión

#### **10. PUBLICIDADE DA CONVOCATORIA:**

O presente regulamento será publicado integramente na páxina web do concello ([www.pontecesures.org](http://www.pontecesures.org)) e realizarase difusión do mesmo a través de Bando aos efectos de garantir o coñecemento público da convocatoria.